



近代史料笔记丛刊

docu river 文川网  
古籍书城  
入驻商家  
在文川网搜索古籍书城 获取更多电子书

# 汪穰卿先生传记

汪诒年◎纂辑

中华书局



近代史料笔记丛刊

# 汪穰卿先生传记

汪诒年◎纂辑

中华书局

**图书在版编目(CIP)数据**

汪穰卿先生传记/汪诒年纂辑. —北京:中华书局,2007.6  
(近代史料笔记丛刊)

ISBN 978 - 7 - 101 - 05609 - 9

I. 汪… II. 汪… III. 汪康年(1860~1911) - 传记  
IV. K827 = 52

中国版本图书馆 CIP 数据核字(2007)第 040732 号

- 
- 书 名** 汪穰卿先生传记  
**纂 辑 者** 汪诒年  
**丛 书 名** 近代史料笔记丛刊  
**责任编辑** 欧阳红  
**出版发行** 中华书局  
(北京市丰台区太平桥西里 38 号 100073)  
<http://www.zhbc.com.cn>  
E-mail: zhbc@zhbc.com.cn
- 印 刷** 北京市白帆印务有限公司  
**版 次** 2007 年 6 月北京第 1 版  
2007 年 6 月北京第 1 次印刷
- 规 格** 开本/880 × 1230 毫米 1/32  
印张 7½ 插页 2 字数 200 千字
- 印 数** 1 - 4000 册
- 国际书号** ISBN 978 - 7 - 101 - 05609 - 9
- 定 价** 17.00 元
-

docsriver 文川网  
入驻商家 古籍书城

在文川网搜索古籍书城 获取更多电子书

# 近代史料笔记丛刊

## 出版说明

《近代史料笔记丛刊》是二十世纪五十年代中华书局规划的大型史料丛刊之一种。限于当时条件,《近代史料笔记丛刊》只出版了少数品种,后归入《清代史料笔记丛刊》中。

随着中国近代史研究的逐步深入,近代史料的整理亟待加强,为满足学术界研究之急需,为更广大的文史爱好者了解和认识中国近世社会的真实面貌,《近代史料笔记丛刊》现予以恢复出版。

恢复出版后的《近代史料笔记丛刊》在原有规划的基础上,做出适当调整:

一、所收史料的时间断限,上至 1840 年鸦片战争发生,下至 1949 年新中国成立之前。

二、考虑到近代史料的丰富多彩,本丛刊除收录具有较高史料价值的笔记之外,对于确能反映当时历史事件和历史人物真实情况的随笔、日记、年谱及其他原始资料,亦予以选

择性的辑录。

三、本丛刊所收史料，以一种或数种为一册，尽量保持其原貌，在每种史料前，均由整理者撰写说明文字一则，指明史料来源、版本情况及内容提要。

四、本丛刊所收史料无分段和标点者，均由整理者按文意分段，并施加标点；原著明显错误予以径改；残缺字以□代之，错字、别字、衍字（文）、文字颠倒，改正处加〔 〕；佚文增补文字加【 】,以示区别。

五、为方便使用，整理者对史料中出现的纪事异同、文字具有特殊含义者，均加简注。

我们希冀通过《近代史料笔记丛刊》，汇集一批反映中国近代历史方方面面的史料，恳请读者予以批评指正，帮助我们在史料收集、编辑整理上日臻完善。

中华书局编辑部

2007年3月

## 整理说明

本书为汪康年年谱,其弟汪诒年编纂。

汪康年(1860—1911年),字穰卿,中年自号毅伯,晚又自号恢伯。浙江钱塘人。光绪二十年(1894)进士,为清末资产阶级维新派之著名人士。早年曾在张之洞幕,执教两湖书院。中日甲午战争后,汪康年愤国是日非,昌言变法图存。1896年在上海创立《时务报》,延梁启超为主编,宣传资产阶级民权思想,力言中国宜伸民权、重公理,尚创作而贱安闲,尚改革而贱守常。1898年创办《时务日报》,旋易名为《中外日报》,以记载中外大事,评议时政得失为主旨,拥护清政府实行“新政”。《时务》、《中外》两报,均为戊戌变法期间资产阶级维新派所办之重要报纸。1907年汪康年又在北京办《京报》,1910年又办《刍言报》,目的均是为了匡正时弊,以供朝廷“听采之益”;认为“如是则朝廷之势不孤,而国事亦能有所倚矣”。汪康年当时是从维护清朝统治的立场出发,主张维新改革,实行新政,对推翻清朝统治的革命主张和行动,则取反对态度。如对义和团运动,主张“乱民必宜剿,必不宜抚”,

并积极支持所谓“东南互保”，而对四川保路运动则力主以抚为主，致免激成暴动。这些均反映了他的改良主义的思想。

汪康年是清末主张维新变法重要人物之一，其主要的活动是办报、兴学、传播新思想，在清末颇具影响。《汪穰卿先生传记》在这方面收录原始文电颇多，对研究汪康年其人及中国近代政治思想史、报刊史，提供不少有价值的资料。《传记》中所记 1907 年丁巳政潮前后经过，袁世凯致端方密札，以及瞿鸿禨、岑春煊与袁世凯、奕劻的矛盾和斗争，均可供研究者参考。

本书于 1938 年 10 月刊行，线装铅印，书口印有“杭州汪氏铸版”。卷一《自传》为汪康年自订年谱，然仅记至光绪十年（1884）二十岁止。自第二卷以下为汪诒年所撰。原书无句逗，今由章伯锋整理，分段标点，订正讹误之处。



# 目 录

整理说明 .....	1
序例 .....	1
汪穰卿先生墓志铭 .....	5
同年汪穰卿先生传 .....	8
卷一 自传 .....	11
卷二 年谱一 .....	31
卷三 年谱二 .....	73
卷四 年谱三 .....	113
卷五 年谱四 .....	149
卷六 事业汇志 .....	193
卷七 言行杂述 .....	219

## 序 例

先生卒于宣统三年辛亥九月，越九年庚申九月，诒年乃有汪穰卿遗著之刊行，又哀集先生之事实，为年谱一卷，冠于遗著之首。维时诒年服务于商务印书馆，入夜始篝灯握管从事于年谱之修纂，疏漏舛误，在所不免。近年始有志于重修，因循久之，卒未下笔，甚惧来日苦短，日复一日，更无属草之时，将使先生之行谊，亦随岁月以俱逝，不获昭示来许，此则诒年所夙夜不安者也。

至二十四年某月，忽得犹子师陶德侃自杭来书，言于书篋中觅得先生所作自传，诒年大喜过望，急令寄阅，并得亡弟鸥客洛年所书副本。此稿撰于何时，已无可考，惟稿中有述及支次筠先生事，即令浙提学使支恒荣之封翁一语。考支君于光绪三十二年四月奉旨补授浙江提学使，至宣统元年九月奉旨准其开缺，是先生之自传，当属稿于丙午至己酉之间，时年四十七岁至五十岁也。顾何以只纪至光绪十年时年二十五岁为止，遽搁笔不复继续，则莫名其妙矣。诒年既得此传稿，乃奋意以续修自励，以自传为第一卷，原稿有所未及者，则为之

缀补，期于无所遗漏。

至光绪十一年以后，用编年体，按年排次，所采事实言论，以《时务报》及庚子年《中外日报》其余诸年之报多方征求，均未觅得，《京报》、《刍言报》为根据，益之以先生所撰笔记及书札稿本，而尤以各地友人所来书札为最重要之资料，几于字字皆有来历，无征不信之讥，窃知免矣。以篇幅较繁，故分为第二、第三、第四、第五四卷。

先生于办《时务报》时，最注重于社会之事业，不以为劳，也不苦其烦，抱舍身救死之志，为兼营并进之举，稽其成绩，昔人所谓风行草偃者，不是过矣。使无中途之蹉跌，则吾国之前途，固未可知也。特将当时所办之事，辑为第六卷，先生之志事，可于此见其大略云。

第七卷为杂述，凡先生一生之言行，不列于前数卷中者悉萃焉。

先生所值之时世，一内江外衅更迭无已之时世也；所处环境，一憔悴悲伤永无休止之环境也。百年后，人若知先生所值之时世如何，所处环境如何，则于先生何以有此怀抱，何以发此言论，可洞如观火矣。故年谱中有自光绪十一年后，特将重要之内政外交，分系于每年之下，论世知人，识者或有取焉。自传内原无大事记，今从咸丰元年起，择要补入。

古今谱传之作，义取谨严，故于本人事实外，鲜或旁及他人。治年则略为变通，于先生之挚友，其言论及行事，有足信

今而传后者，辄为随宜列入，传诸人亦所以传先生也。阅者幸毋以喧宾夺主为嫌。

诒年修纂既竣，有敢举以为世人告者，先生壮年盖甚欲有所作为，初非欲以报纸自显也，以无所凭藉之故，乃欲藉报章以发纾其意见。凡所欲行者，悉于报纸发之，其见诸论议者，率可见诸实行。其立志甚弘毅，其规划也极远大，是书所纪载，尚未能尽其什一也。或仅以言论家目先生，抑未足以尽先生矣。中华民国二十六年三月，弟诒年谨志。

## 附 言

诒年纂辑此传记，第一当感谢亡弟鸥客，将先兄自传草稿什袭珍藏，复附以手自缮录之副本一通，全体作工楷，经犹子师陶从遗篋检出，寄与诒年，遂以引起编辑之情绪，此最当感念者也。复次则全编脱稿后，承善化瞿兑之君将全稿自首至末核阅一过，复经犹子师陶复加校勘，匡正增改，获益良多。余若同里关承孙表兄，以所藏光绪二十六年《中外日报》全份见假，犹子幼敌以所藏《时务报》全份见假，皆为编辑时绝好之资料。此外则誊写清稿由族妹馥园女士任之，校对样本由上虞许善斋、同里张子成两君任之，有助于诒年，实非浅鲜。并述于此，永志勿谖。

## 汪穰卿先生墓志铭

呜呼！吾友钱塘汪穰卿先生歿六年矣。丙辰夏，其弟诒年以书至京师，请余铭其墓，余感先生慷慨大节，不竟其志事，为可悲也，因为志之。先生讳康年，穰卿其字也，晚年复自号为恢伯，谓灰心时事也。父养云公，母关夫人，大母关太夫人，晚年得先生甚憇，顾生甫涉月，洪杨兵入杭州，遂辟地于湖州之新市。逮长英博，惊其长老。养云公以知县需次卒于岭南，先生已补博士弟子员，除丧以优行第第一为优贡生。明年中式，主试者为顺德李公文田<sup>①</sup>，诧为奇才，将置第一，以第三篇为离骚体，梗于众议抑置第六。庚寅应南皮张文襄公<sup>②</sup>聘教授其二孙。壬辰捷南宫，甲午补应廷试，列三甲。时

---

① 李文田，字若农，广东顺德人，官至礼部右侍郎，光绪十五年（1889）为浙江乡试主考官。

② 即张之洞，时任湖广总督。

我师燬于大东沟，先生大愤，计非变法，不足图全，乃立《时务报》于沪上，招梁任公主编辑，议论一出，举国倾靡，以为得未曾有。先生著自强三策，弁其端，力言中国宜申民权，重公理，尚创作而贱安闲，尚改革而贱安常，开利源求新学，宣达民性振奋士气，欲化愚弱为明强，非立议院选议员不可。时执政大老，恶言民权，而先生仍侃侃力持之无摄。旋改为《中外日报》，益风行海内，西人争译述其说，诧为公允故。四明公所事起，旅沪之甬人争出与外人挠亢，而无抵冒殊扞之举，因先生言用公理以自胜也。庚子乱稔，中外骚然，先生著论归狱政府，言排外之举，其怨毒盖出于有所激咎，不尽在国民，西人颇韪其语。拳乱既弭，俄师久驻陪京<sup>①</sup>，先生合同志力争于政府，虽不效然，西士咸叹异以为中国固有人在也。甲辰母关夫人服阕，入都授内阁中书。丁未复设《京报》于都下，时老奸擅国，某某饰名姝杨翠喜以媚其子，媵金巨万遂得黑龙江巡抚。先生恶其无耻，于报中抉摘其丑，经言官论列，某遂罢斥，于是权贵憾入骨髓，嗾某部封禁其馆。先生终不以是自馁，复设《刍言报》，持论益严正，顾终莫救，而辛亥九月，武昌事起矣。时先生已病膈徙居天津，闻朝议起用项城，嘿然就枕，夜半患作，迟明大渐，时为九月十三日。先生卒年五十又二岁。生平建议不主激烈，一一中于时病，忧国之心，

<sup>①</sup> 指盛京，即今辽宁沈阳。

至死无变，顾乃摧剉，不能一展其意。歿之日，余曾一临其丧。配王夫人前卒，续取陈夫人，均无子，以弟子德蔚嗣。诒年书来，言既葬于西湖之桃源岭，余因为补其铭曰：翹清以澄浊，而薈者胡觉，朋挺恣丑日斫斫，特立不辅身焉托。鯁讐务以遏过，乃莫抵乎群蠹，纯节弗遂，而国以不药。呜呼！城可烧，金可烁，万禩弗瞑此忠魄。

闽县林纾撰

## 同年汪穰卿先生传

呜呼！士君子丁末造不能展其经纶，以大用于世，徒抱磊落之才，坎坷以终，岂不悲哉！然而命随改玉，目不见拢攘之祸，又岂不幸哉！余传同年汪穰卿先生，感怀弥至焉。先生讳康年，穰卿其字，晚年别号恢伯，浙江钱塘人，生而岐嶷，劬学不厌。父养云公，需次粤省，囊橐萧然。先生事父孝，待弟友，处天伦之际，人无间言。岁戊寅补博士弟子员，戊子考取优行贡生。己丑登贤书，顺德李公文田本拔置第一，以孟艺用离骚体，抑第六。壬辰捷南宫，甲辰补应朝考，授内阁中书。当甲午之后，士大夫争谈时务，臆诀唱声，先生以为民气之郁久矣，宜重民权、浚民智，用以明目而达聪。岁丙申设《时务报》于上海，戊戌复设《时务日报》，旋易名《中外日报》。丁未设《京报》于京师，庚戌复设《刍言报》，常欲以言论机关大声疾呼，发聋振聩。辛丑和议告成，俄人驻兵奉天，不允撤



退。先生愤然腾电中外，慷慨力争，西报互相译述，以为中国有人。当此之时，先生名闻天下，顾以直言故，数忤权贵，屡挫折之。先生外维世变，内审国情，身世之感，益悲从中来矣。辛亥秋，武昌事起，全国骚然，先生不主过激，怒焉重以为忧。会九月十二日夜，友人密函告起用项城，先生阅毕嘿然遽就枕，夜半家人闻呻吟声，则先生已疾革不能言，明日遂瞑。呜呼！是所谓忧能伤生者，非耶，抑其先几之智邪？余于先生为同年交，旅京过从，相得甚欢。丁未四月，余营葬先妣事毕返京，遇先生于轮船中，相与言朝政之日非，祸至之愈亟，先生洒涕沾襟。余兼痛家国之沧桑，亦不觉泣数行下。维时天风浪浪，若与悲怨声吞吐相和；海山苍苍，亦如变色有无穷之恨。远方羁旅，聚观惊诧，以为若何为者，两人始敛容退。自是不通音问者数年，而先生竟死矣。戊午先生弟颂阁，以其遗籍捐置上海工业学校之图书馆，复寄先生之年谱、墓志来乞传。余读之，幽光毕阐，无遗憾矣。第尚有阙者，辛亥之夏，学部广征名流开教育会，综核同异。维时废经之说已盛行，先生力持正议，谓读经关系世道人心，决不可废。又以高等小学已上，男女同学，中国尚非其时，援据内则，侃侃争辩，众人非之而不顾。迄于今世，群经之大义，孔孟之微言，先民之礼法，扫地殆尽矣。论者谓吾清之亡，亡于废经，追思先生之言，能无精心而疾首与！余故复为之传，俾后之同志，得以考鉴焉。

docsriver 文川网  
入驻商家 古籍书城

在文川网搜索古籍书城 获取更多电子书

论曰：孟子言，是非之心，人皆有之。而庄周则曰：彼亦一是非，此亦一是非。盖治世之是非公而一，乱世之是非私而歧，后起之心术，因世而异矣。余主工业校，庚戌岁以事黜某生，某生遽摭拾细故，列报章丑诋余。先生大恚，移书报馆，谓是非宜明，何颠倒若是；然不令余知也。呜呼！凡国之否，先兆于无是非。今兹是非尚有存焉者乎！余于先生之歿，所以累叹歔歔历久而不忘者，非仅为一人之私痛而已，痛乎是非之公之遂亡也。

太仓唐文治撰

# 卷一 自传

弟诒年校补

诒年按：先生以咸丰十年庚申正月初三日生，故小字初官。初名灏年字梁卿，年十九更名康年字穰卿，中年自号毅伯，晚又自号恢伯。

余家世居安徽黟县之宏村，至八十二世文宇公讳元台为余十二世祖，于明万历间，以业鹺至杭，遂家于杭，居普宁里，盖即今之谢麻子巷也。至孙育青公讳时英，为余本生十世祖，以盐务习气重，遂弃盐而以当业资生。其后子孙蕃衍分支十数，至介思公讳光豫，为余七世祖，始卜居荐桥之馆驿，后始名振绮堂。余家自迁杭至此，时垂百数年，以历代勤俭积累，颇以富著，有关、汪、孙、赵之称，而科名则未显。至介思公长子鱼亭公讳宪，为余本生六世祖生于康熙六十年，卒于乾隆卅六年，乾隆甲子科中式举人，乙丑科成进士，始以科名著称，而鱼亭公联捷后即南归，后于戊寅入都补刑部陕西司员外郎，次年即请终养假回杭，不久居京也。

余家世以藏书为事，至鱼亭公益加搜罗，于是振绮堂藏书之名始著。介思公二子，长即鱼亭公，次容谷公讳宽为余六世祖。

鱼亭公有四子：长为涤源公讳汝璫，亦居馆驿，后堂名燕

绥,余高伯祖也;次即春园公讳璐,堂名振绮,余高祖也;三为复岩公讳玮,堂名怀新;四为天潜公讳瑜,堂名纪宜,均余高叔祖也。江苏书局所刻自然好学斋诗集及明三十家诗选初二集,为女史端选撰,夙为诗家称述,即天潜公女也。容谷公无子,鱼亭公以春园公嗣之。嘉庆初年,涤源公以己年已老,天潜公将移居苏州,春园公平素嗜书、即举藏书畀之,以保守之责相属。故春园公于兄弟行虽居次,而袭振绮之名。

治年按:乾隆间诏开四库馆,征求海内遗书,余家进呈善本书百十种,因涤源公居长,故由公具名。今《四库书目提要》中各书目之下,有注曰汪汝璫藏本者皆是也。当时藏书家浙东称范氏天一阁,浙西称汪氏振绮堂,此外又有吴氏瓶花斋、赵氏小山堂,然不久皆散佚不存。

治年又按:振绮堂藏书,自咸丰庚申、辛酉两次兵焚后,已散佚殆尽,惟藏书目录则尚幸存留四种。一为最初本,何人所辑,辑于何时,无明文可考,以经、史、子、集四部为次,每部复分若干门,凡御制、御篆、钦定、御选、御刊各书,皆立于各门之首;四部内惟经类书间注卷数及撰人姓名,余则但著其册数而已,此目前为吾杭丁氏所藏,后归江南图书馆。次为朱明斋先生文藻所辑之振绮堂书录,凡各书之序跋与原书有关系者,率全行载入,间或详叙其内容。每书之后,必标明为刊本为钞本,凡曾经名人校勘者,其评论及跋文以及收藏家之印记,悉详载无遗;于各本之异同及原书之真伪,亦间有

考证,实为讲求目录学者不可少之书。惜前三册及末一册均已失去,仅存六册耳。其次为先高祖春园公讳璐之藏书题识,盖即朱书之节本,择各珍帙之评跋写录成书,时则嘉庆九年甲子,距今一百三十三年也;惜后三卷已失去,仅存前二卷而已。又其次则为嘉庆二十四年,先曾祖十村公讳诚所编之书目五册,首冠以乾隆三十九年颁赐书籍之上谕,次以进呈书一百十种之目录,其下则分四部编次,于撰人之仕履,全书之内容,版本或抄本之源流,亦间有叙述。又次则为先祖少洪公讳迈孙,先叔祖蓉垞公讳灏孙合编之简明书目二册,曾经长洲陈硕甫先生奂订定,盖依书厨编次。前三厨为圣训及御制、御纂、御批、钦定、御选各书;第四、五厨为宋元版书籍;第六厨为先代稿本、校本、批本及家刻各书;第七至十三厨为抄本经、史、子、集四部书;第十四厨至二十三厨为刻本书。编辑年月无可考,大约在道光二十七年后咸丰纪元前矣。以上题识一种、书目三种尚存余家。

春园公子一,为十村公讳诚,余曾祖也。有子六人,长为大伯祖小米公讳远孙,好学,著书甚富,多接海内名流,声誉最著;次为二伯祖又村公讳适孙;三即余祖少洪公讳迈深;四为四叔祖蓉垞公讳灏孙;五为五叔祖子惠公讳迪孙;六为六叔祖幼能公讳述孙。当十村公时,家资不及十万,十村公以子息蕃衍,乃艰难经营,至易箠时,家资可得四十万。故小米公内办婚嫁,外接宾友,尚得支持,惟时吾家富名大著,号称百万云。

治年按：小米公所著书有《国语三君注辑存》、《国语韦注发正》、《国语明道本考异》、《汉书地理志校本》、《借闲生诗词》五种，版今尚在。又有《诗考补遗一种》，则版已不存。又有《借闲随笔》一卷、《经典释文补续偶存》一卷，则由先生于宣统二年编入振绮堂丛书内。公原配梁孺人讳端字无非，著《列女传校读本》；继配汤孺人讳漱玉字德媛，著《玉台画史》，半为公所订正云。

治年又按：小米公又好刻书，其书版今尚存者计有《尚书古文疏证》阎若璩著、《左通补释》梁履绳学、《咸淳临安志》仿宋本、《北隅掌录》黄士珣撰、《湖船录》厉鹗辑、《道古堂全集》杭世骏撰、《沧江虹月词》汪初撰、《莲子居词话》吴衡照撰、《瓶笙馆脩箫谱》舒位撰等。此外尚有《御题曲洧旧闻》、《御题书苑菁华》、《诗毛氏传疏》陈奂学、《辽史拾遗》厉鹗撰、《辽史拾遗补》杨复吉撰、《水经注释》赵一清录、《水经注笺刊误》赵一清撰、《三祠志》汪家禧撰、《东城杂记》厉鹗撰、《两般秋雨庵笔记》梁绍壬纂、《太上感应篇笺注》惠栋注、《元赵待制遗稿》赵雍撰、《松声池馆诗存》先高祖讳璐撰、《自然好学斋诗集》汪端著、《东里生烬余集》汪家禧撰、《辛卯生诗》吴衡照撰、《冬荣草堂诗集》李堂撰、《明三十家诗选初二集》汪端辑、《词综》朱彝尊辑，则版片已无存。

治年又按：小米公性甚好客，尝集江浙名流，结吟社于所居之东轩，预社者先后凡七十六人，每月一集，命题赋诗，其后乌程费晓楼先生丹旭为作东轩吟社图长卷，须眉如生，时推



名笔，今尚保存。公歿后伯祖又村公乃取社中积存之诗及文词，编为《清尊集》十六卷，精刊印行云。

小米公于道光十六年下世，惟时房分众多，振绮之屋不复能容。于是二房卜居贺衙巷，为俭永堂；余祖购得振绮堂隔壁之屋，名道福堂；四房迁居冯山人巷，六房迁居嘉兴，惟大房、五房仍居振绮老屋。

余家自十村公捐馆后（嘉庆二十四年）至二伯祖又村公及余祖少洪公捐馆时又村公卒于道光二十三年，少洪公卒于咸丰三年相距三十余年，家用日渐繁费，且资产以分而见少，计彼时每房所得产业不过数万字画古玩等不在内，至书籍则不分。余三房仅与大、五两房分得当业两处，一在临平，一为大方伯里之文泰当。少洪公下世后，临平当忽被劫，时家中计议，拟将文泰当让与他人，即以所得之贖，供临平当之赔款。詎料文泰管事韩姓，久将当本亏蚀，每年吾家虽派人往查，然韩百方弥缝，查者率为所蒙蔽，至此不复能隐，则至吾家长揖漫云，所有架本已代为捐充善举矣，语毕遂扬长而去。吾家仓猝无策，乃将道福堂屋典与吴姓，议价六千串，先收三千串为弥补临平当之需。是时家中景况已非昔比，即大乱不起，亦不能支矣。

少洪公四子，长子望二伯讳曾立，为孙太君所出，余皆关太宜人出，次即先府君养云公讳曾本，三为子义八叔讳曾学，四为子行十四叔讳曾笃。先府君于咸丰元年辛亥恩科中试举人。二年壬子，随外祖关东培公讳福章入京会试，已而东培公在京捐馆，

先府君为经纪身后事，即扶柩回杭。咸丰三年癸丑丁外艰。五年乙卯服阕，后报捐教谕。是时江宁失陷已数年，烽烟之警，时有所闻。九年己未冬，先府君与余母关宜人奉祖母关太宜人避居于三角荡外祖家中，挈之同往者为余之大姊、二姊，尚有余一兄后殁于江西。十年庚申正月，关宜人产余于三角荡。

附大事记 咸丰元年闰八月，洪秀全立国于广西永安州，号曰太平天国。三年，南京为太平天国所占领，建为天京。

是年二月，粤军至杭，由凤山门入，三日即退。余家老少，暂避近地，未受损害。外房之居故屋者，大率殉难。粤军虽退而恶耗仍时至，适先府君奉署景宁教谕之檄，私冀地僻左可避兵祸，遂全家赴任。不意彼处为浙闽、江西来往便道，加以知县为江宁人李立峰，贪酷不恤民隐，去任时被乡人篙沉诸河。继之者为管念先，则迂駮，惟惧亏空，寇警不设侦探，故两年余粤军三至，先府君皆奉关太宜人避乡间。幸先府君平日待诸生诚笃，有所问谆谆相告，或飧以酒食，故诸生感先府君亦甚厚，颠沛之际，争先迎致，食宿不致缺失，然已极艰困矣。

附大事记 咸丰七年十二月，英军袭占广州，拘两广总督叶名琛，囚诸印度。十年七月，英法联军又由津入京，清帝避往热河。十一年七月，清帝崩于热河行在，皇长子即位，下诏明年改元祺祥，旋命改为同治。十一月，太平天国占领杭州，官民死者以亿万计。

先君念景宁非可久居，同治元年壬戌之冬，乃作避地之举。时有杭人吴锡侯先生晋元者，管大令挈之至县，使办书启，其兄艾生先生恒元避难踵至。管既去任，锡侯得江西余干县之馆，于是先府君乃属吴氏兄弟护眷至江西，居余干县之社洪镇。

治年按：先生是年三岁，初读《尔雅》，由先府君口授，日数十字，琅琅成诵。关太宜人在羁旅无聊中，时为之破颜焉。

二年癸亥，先府君入都会试，报罢乃纳贖为盐大使，指分广东候补。时轮船未行，乘夹板船由海道往。家中得信，即邀吴氏兄弟结伴同行，度梅岭至粤时，先府君亦属八叔父至社洪相迎，除夕方至，则全眷已先期行，乃废然独返。惟时先府君既无先业可守，而试又不利，遂不得不倚官为生矣。

治年按：先生自始至四岁，无日不在奔走流离中，至是始获宁居。及长而身体羸弱，大半盖因此。

先府君至粤，初无可恃之人，惟时子用三伯讳曾唯，于燹前之官湖北，子常四伯讳曾守，后改守正，亦燹前之官河南，子复九

叔讳曾复，燹前之官湖南，子栗十叔讳曾事，于庚申避乱后之官江西。先府君以至山曾叔祖讳阜为，滌源公之长子及小逸叔祖讳秉健，为至山公之侄，两代宦粤，情形熟悉，宜可依恃。到粤始居三多坊，屋圯乃移居净慈街；已而又将圯，全家仓皇避于学宫街。小逸二叔祖遂卜居白薇巷，是皆同治三年甲子、四年乙丑余五六岁事也。

附大事记 同治三年三月，清军收复杭州。六月清军收复南京，太平天国于此告终。

余六岁时，关太宜人五十七岁，先府君及关宜人均三十四岁。是年余第三妹生后适高氏，先后雇两乳媪，咸不终事去，故后来二弟、三弟咸关孺人自乳。先府君初涉官场，谨守书生本色，故不能得志，辄与关宜人计议，斥卖金珠数千金，加捐花样，冀早补一缺，积数年所入，仍返家园，得免官场挤轧之苦。詎料事出意外，经手之人辄拐物逃去。由是遂浮沉宦海，日处愁城。先府君郁郁终身，半亦坐此。

五年丙寅余七岁。移家光塔街。是年二弟诒年生。先府君得□<sup>①</sup>庙缉私差，六月期满谢归。

六年丁卯余八岁。正月移家大市街。二月小逸叔祖下

① 原文如此。

世。是年先府君得芦苞缉私差。余少时皆在家中读书，先府君自课，有时由关宜人或吴艾生先生督课。是年始延沈先生授余读，而沈先生有所不满，端节后辞去。先府君乃自差次归，携余至芦苞读书。八月差满，挈余旋省。

余家至粤省，八叔父先已携家在粤，前后数年，咸馆于南雄等处。余八岁时，八叔父乃携伯宇大兄玉年至省，即居余家。其后二年，八叔父无事，即授余读，伯宇大兄亦同学。

八年己巳秋，八叔回杭，时伯宇大兄年十三岁，余年十岁，一时无读书所。适杭之周麟趾先生设馆天香街，先府君拟使余及伯宇大兄从之游，乃于是冬移至天香街，星极逼窄，顾无如何也。

先府君自卸芦苞后，直至是年，绝无薪水之入，家用自借贷而外，辄从事质当。余自幼年，常闻长者忧叹，时复泪盈于睫。每见关宜人时时手质券与先府君议，若者不能不赎，若者只得暂缓，若者只得听其满去。维时有支次筠先生即今浙提学使支恒荣之封翁，附居余家指大市街，彼初至粤，遇事须先府君为导，无能为力也。直至是年始得□□<sup>①</sup>差，涸辙之鱼，稍有生机矣。

九年庚午，余年十一岁，仍从周师读。是年九月，伯宇大兄回杭。十月大姐适同县楼笙谐先生凤清长子师韩绛。十二

① 原文如此。

月三弟洛年生，时先府君已差竣回省。子周大伯讳清冕，为小逸公之长子署大洲场期满回省，与先府君皆有得盐务公所差使消息，乃僦屋豪贤街同居。子周大伯及子昫二叔讳清字，为小逸公之次子及三婢母居前一重，余家居后园旁一重。

十年辛未，余年十二岁，时子周大伯延秀水汪鲈秋先生熙莼授二子伯唐大燮、仲虞大钧昆弟读，余与二弟亦从之读。先府君与子周大伯同至公所，理职务甚勤瘁，顾月所受俸杂以他款，不过五十金，故虽差事冲要，而家仍拮据。九月长甥楼思诰生。

十一年壬申，余年十三岁。时子周大伯赴瞰白场署任，先府君以欲近公所，乃卜居南门外之东横街，而延鲈秋先生授余兄弟读，子昫二叔之内侄金氏兄弟来附读。如是者二年，子周大伯则延无锡秦颂丹先生凤墀同赴任，课伯唐、仲虞二人读。

十三年甲戌，余年十五岁。先府君始以劳绩得小淡水盘查厅事，名为缺实差也。然是年所入最优，大约可得四五千金。先府君偿宿债之余，稍稍购买书籍，时时与余指说之。是年改延吴锡侯先生于家专课余兄弟二人。吴师循循善诱，后以他事辞去。

光绪元年乙亥，余年十六岁。延萧山韩砚庄先生亦潮为师，周麟趾先生所荐也。是年三弟始上学，韩先生已耄七十五岁，不复能尽心馆事。

二年丙子，余年十七岁。乃于每月三、八日至子周大伯

docsriver 文川网  
入驻商家 古籍书城

在文川网搜索古籍书城 获取更多电子书

家从秦颂丹先生习作八股文，而延桐城姚兆南先生丽泽授两弟一甥读。

三年丁丑，余年十八岁。先府君欲余专心学业，乃令余寄宿子周大伯家从秦师习业。姚至秋间以恶疾辞去。

附大事记 光绪元年正月，英员马嘉利在云南蛮允地方被戕。二月派李瀚章往云南查办。二年七月，命李鸿章与英使威妥马在烟台订立条约，了结滇案。

自元年乙亥，先府君卸小淡水盘查厅后，复闲居无事。其冬闻有得补大洲场之说大洲为广东盐务第四缺，乃藉京饷差之便，入京探之，顾不能得。先府君念盐大使补缺无期，而得差之途亦窄，拟捐升知县，乃以小淡水余款为捐资，而假贷以足之，遂于三年丁丑之冬入京引见，四年戊寅正月回粤。二月值关太宜人七十生辰，时八叔父在福建学使孙子授先生诒经幕，亦先期自福州来为太宜人称觞上寿。

是年余十九岁，先府君即遣余回杭小试，时以两次入京，耗费不支，故行时除船资外，惟得二十元为资用而已，别与通志堂经解一部，令售去为进学后之用。与余同行者为伯唐族兄及王子良表弟为幹、许清如□□<sup>①</sup>、朱季良承瑗诸君，至上海

① 原文如此。



仅停一日即行。

余到杭后，即与伯唐大兄住二伯父家中，盖燹后各房之官于外者，家中之屋率托二伯父照管，如子栗十叔父振绮之屋五房与大房本共分得振绮屋，而十叔之子鼎年又嗣于大房，故归十叔一人，并其余市房子周大伯父燕绥之屋皆然。二伯父所住即燕绥堂正屋旁之花厅。至道福之屋，为先府君与二伯父共有者，燹前典于吴氏，仅收半价，故仍归余家管理，出租于人，而以月租三之一归吴，亦由二伯父管理。余与伯唐兄到杭后，展谒祖坟，拜候尊长，仍从邓莲裳先生读，附膳于程氏之家在九曲巷。迭应分司、运司两试，皆不得高列，而均得终场。故事，分运各试四场，每场必汰若干，有不被汰四场均得入场者，谓之终场。五月院试，蒙学使善化黄恕皆先生倬取入钱塘县学伯唐第八，余第十。然需用浩繁，余绝无可筹措，幸所携通志堂经解，承丁松生丈丙为售诸某君，得墨银九十元，得为入学后一切用度。秋间回粤，尚向伯宇大兄假银数元，始得成行。

是年秋，先府君得九龙厘厂差厂设香港，时关太宜人年高，精力已不如前，十月初忽得疾，日下痢十数次，势极危殆。先府君急自差次回省侍疾，延胡楚材先生诊治，始得转危为安，然元气已大损。冬徙居大市街以东横街屋第一进之右间，房主须圈去自用故。

附大事记：是年二月，左宗棠奏报收复新疆全境。